

Акафист Пресвятой и Живоначальной Троице



Кондак 1

Предвѣчный Царю́ веко́в и Го́споди, всея́ твари́ ви́димыя и неви́димыя Содѣтелю, Емуже́, в Трои́це Святе́й сла́вимо́му Бо́гу, вся́ко колѣно покланя́ется небе́сных, земе́ных и преиспо́дних: те́мже и мы, я́ко крещѣннии в Трисвято́е и́мя Твое́, а́ще и недостойнии, хвале́бное сие́ держа́ем принести́ Тебе́ пе́ние: Ты

же, я́ко Творе́ц, Промысли́тель и Судия́ наш, вонми́ гла́су раб Твои́х, и не отста́ви ми́лости Твоея́ от нас, да из глубины́ ду́ши вы́ну зове́м Ти: Свят, Свят, Свят еси́ Го́споди Бо́же наш, поми́луй ны, па́дшее создани́е Твое́, и́мене ра́ди Свята́го Твоего́!

Икос 1

Арха́нгели и А́нгели, Нача́ла и Вла́сти, Престо́ли и Госпо́дства, предстоя́ще само́му Престо́лу Сла́вы Твоея́, не довле́ют изрещи́ вели́чя соверше́нств Твои́х: многоочи́тии же Херувими́ и шестокрилати́и Серафими́, закрыва́юще лица́ своя́, то́чию с трѣпетом и любове́ию взыва́ют друг ко дру́гу: Свят, Свят, Свят Госпо́дь Савао́ф! Нам убо́, и́же прах и пѣпел есмы́, ко́льми́ па́че удобее́ любите́ молча́ние: но, да не то́ликих щедро́т, в создани́и и искупле́нии на нас излия́нных, непа́мятливы яви́мся и неблагода́рни, подража́юще го́рнему славосло́вию, с ве́рою и любове́ию взыва́ем: Свят, Свят, Свят еси́ Го́споди Бо́же наш, неисповеди́мая соверше́нств Вы́сотѣ и неизсле́димая та́ин Пучи́но! Свят еси́ Го́споди Бо́же наш, вездѣ́ сый и вся́ исполня́й, Еди́ный и Той́жде вчера́, днесь́ и во ве́ки! Свят еси́ Го́споди Бо́же наш, вся́ могий, нарица́й не су́щая я́ко су́щая, низводя́й да́же до а́да и па́ки позволя́й! Свят еси́ Го́споди Бо́же наш, испыту́й сердца́ и утробы́ челове́ческа́я, исчита́й звѣзды́ и всем им и́мена́ нарица́й! Свят еси́ Го́споди Бо́же наш, Его́же вси́

путиé истинны и все судьбы́ оправда́ны вкупе́ и вожделённы! Свят еси́ Го́споди Бо́же наш, отда́я грехи́ отце́в на ча́да, ми́луяй же и награжда́й в ро́ды родо́в! Свят, Свят, Свят еси́ Го́споди Бо́же наш, поми́луй ны, па́дшее созда́ние Твое́, и́мене ра́ди Свята́го Твоего́!

Кондак 2

Ви́дев Тя Иса́иа на Престо́ле висо́це и превознесённе, глаго́лаше: о́каянный аз, я́ко челове́к сый и нечи́сты устне́ имый, и Го́спода Савао́фа ви́дех очима́ моима́! Егда́ же уго́ль горя́щий, носимый от А́нгела, прикосну́ся усто́м его́, чи́сте восхваля́ше Тебе́ Отца́, и Сы́на, и Свята́го Ду́ха, Еди́наго Бо́га. Попали́убо, о Пресвята́я Тро́ице, огнём Божества́ Твоего́ те́рние и на́ших мно́гих беззакон́ий, да чи́стым се́рдцем возопи́ем Тебе́: Аллилу́иа!

Икос 2

Ра́зум неуразуме́нный разуме́ти ищя́ вели́кий во проро́цех Моисе́й, глаго́лаше: яви́ мне лице́ Твое́, да разу́мно ви́жду Тя! Ты же к нему́: за́дняя Моя́ у́зриши, лице́ же Моё́ не яви́тся тебе́: не бо у́зрит челове́к лице́ Моё́ и жив бу́дет. Нам же, а́ще и недостойным, благоволи́ еси́ яви́ти Себе́ в лице́ Единоро́днаго Сы́на Твоего́: те́мже благода́рне вопи́ем: Свят, Свят, Свят еси́ Го́споди Бо́же наш, Серафи́мов пламенногоря́щая лю́быи Херувимов вы́ну свята́я пре́мудросте! Свят еси́ Го́споди Бо́же наш, Небе́сных Престо́лов пре́вышний Царю́ и премир́ных Госпо́дствий всеи́стинный Го́споди! Свят еси́ Го́споди Бо́же наш, Вы́сних Сил непобеди́мая Кре́посте и Гор́них Власте́й всемогу́щий Власти́телю! Свят еси́ Го́споди Бо́же наш, Арха́нгелов всера́достное благове́стие и А́нгелов неумолка́ющая про́поведь! Свят еси́ Го́споди Бо́же наш, разу́мных Нача́л верхо́вное Всенача́ло, и всех про́чих небе́сных чинов́ держа́вный повели́телю; Свят еси́ Го́споди Бо́же наш, Еди́н и́меяй безсме́ртие и живый во Све́те Непристу́пней, со избра́нными же Твоими́, я́ко со дру́ги, лице́м к лицу́ бесе́дуяй! Свят, Свят, Свят еси́ Го́споди Бо́же наш, поми́луй ны, па́дшее созда́ние Твое́, и́мене ра́ди свята́го Твоего́!

Кондак 3

Си́лю неизрече́ннаго могу́щества Твоего́́ вся содержи́ши, Сло́вом

неизслѣдимыя Премудрости Твоя́ вся строиши, Ду́хом уст Твои́х
вся живи́ши и ра́дуеши, о Трисо́лнечне Вседѣтелю! Измѣрил еси́ не́-
бо дла́нию и зѣмлю пяди́ю, но́сиши и пита́еши всю тварь, вся по
и́мени призыва́еши, и несть могий утаи́тися властительныя десни́цы
и взора́ Твоего́: сего́ ра́ди со все́ми вы́шними и ни́жними си́лами,
со умилѣнием припада́юще, зове́м Ти: Аллилу́я!

Икос 3

Име́яй всякое созда́ние рабо́тно повелѣнию Твоему́, всю́ду явля́еши
следи́ Промысла и неизчѣтных соверше́нств Твои́х: те́мже невиди́мая
Твоя́ и присносу́щную Си́лу и Божество́, творе́ньми помышля́ема, ви́-
дяще, со удивлѣнием и ра́достью зове́м: Свят, Свят, Свят еси́ Го́с-
поди Бо́же наш, властительный Содѣтелю ви́димых и невидимых, и
любвеобильный Строи́телю настоя́щих и грядущи́х! Свят еси́ Го́споди
Бо́же наш, от четы́рех стихий состави́вый тварь и четы́рьми
времены́ круг ле́та венча́вый! Свят еси́ Го́споди Бо́же наш,
повеле́вый со́лнцу свети́ти во дни, и лу́не со звѣздами просвеща́ти
но́чь! Свят еси́ Го́споди Бо́же наш, изводя́й ве́тры от сокрови́щ,
одевая́й не́бо облаки, и посылая́й дождь и ро́су в прохлажде́ние
зно́я! Свят еси́ Го́споди Бо́же наш, препоясу́яй холмы ра́достью и
до́лы весѣлием, украшая́й кри́ны се́льные и венчая́й поля́ кла́сами!
Свят еси́ Го́споди Бо́же наш, посылая́й пи́щу птенце́м вра́новым,
напая́яй вся зве́ри се́льные, и полага́яй щедро́ты Своя́ на всех де́-
лех Свои́х! Свят, Свят, Свят еси́ Го́споди Бо́же наш, поми́луй ны,
па́дшее созда́ние Твое́, и́мене ра́ди свята́го Твоего́!

Кондак 4

Бу́рю внутрь име́я душепа́губныя е́реси, вторы́й Иуда́, А́рий
безу́мный, отве́ржеся Тебе́ Сы́на Бо́жия, Еди́наго от
Пребоже́ственныя Трои́цы быти; мы же а́ще и ино́ лице́ О́тчее, ино́
Сыно́внее, ино́ Свята́го Ду́ха глаго́лем: но О́тчее, Сыно́внее и Свя-
та́го Ду́ха Еди́но Божество́, ра́вну си́лу, соприсносу́щно
вели́чество, се́рдцем и устны́ испове́дуем, и я́ко Трисо́лнечным све́-
том в купѣли крещѣ́ния озарѣ́ннии, Отцу́, и Сы́ну, и Свято́му Ду́ху,
Еди́ному Бо́гу поклоня́емся, зову́ще: Аллилу́я!

Икос 4

Слы́шавше па́стырие и учи́телие Святы́я Це́ркви А́рия, я́ко лю́таго

звѣря, вторгшася в словѣсное Христово стадо, и восхищающа овцы от истиннаго исповѣданія православныя вѣры, сошедшеся в Никѣи на соборе, Бога, а не тварь, Христа исповѣдаша, и равна Отцу Сына и Святаго Духа чтуще, громогласне возгласиша: Свят, Свят, Свят еси Господи Боже наш, Боже Отче, Боже Сыне, Боже Душе Святой, Единый Истинный Боже, а не три божи! Свят еси Господи Боже наш, несозданный Отче, несозданный Сыне, несозданный Душе Святой, Единые вкупе несозданные, а не три особь несозданные! Свят еси Господи Боже наш, Отец раждаый предвечно Сына, Сын раждаемый безлѣтно от Отца, Дух Святой из Него же от век происходый, но не раждаясь! Свят еси Господи Боже наш, Отец, воззваый нас от небытия, Сын, искупивый нас падших Крестом Своим, Дух Святой, освящай и животворяй всех Своєю благодатью! Свят еси Господи Боже наш, в духе, душе и теле нашем трехчастную скинию на вселение Своё основаи благоволивый, и всеконечно грехом разрушиться ей в нас не попустивый! Свят еси Господи Боже наш, знамение Триипостаснаго Существа Своего на всех дѣлах рук Своих, в мире видимом и невидимом, положиивый! Свят, Свят, Свят еси Господи Боже наш, помилуй ны, падшее создание Твоё, имѣне ради святаго Твоего!

Кондак 5

Пребезначальная и Вседѣтельная Троице, создав нас по образу и по подобию Твоему, заповѣдала еси творити угодная пред Тобою: мы же, окаяннии, злую волю нашу возлюбивше, обѣты крещенія отвергохом, образ Твой помрачихом; ныне же паки к Тебѣ прибегаем и молимся, подаждь нам благодать Твою, исхити нас из руки враг, видимых и невидимых, и спаси ны, имже вѣси судьбами, да во вѣки веков зовѣм Тебѣ: Аллилуйа!

Икос 5

Видя разум превосходящая совершенства Твоя и неизреченная благодеяния к бѣдным сынам Адамим (в Тя бо, Триединого Бога истинно вѣруяй, мѣртвый духом оживляется, оскверненный совѣстию очищается, погибший спасается), благодарным умом, благодарным сердцем, благодарными усты, от Тебѣ созданными, преклоньше колѣна, глаголем: Свят, Свят, Свят еси Господи Боже

наш, в Триипоста́сном Совете́ Твоём положи́вый сотвори́ти челове́ка, и в те́ло его́, от пе́рсти взя́тое, дыха́ние жи́зней из уст Твои́х вдохну́вый! Свят еси́ Го́споди Бо́же наш, образом и подобием Твои́м в лице́ Ада́ма всех нас почт́ый, и рая́ сла́дости наслéдники учини́вый! Свят еси́ Го́споди Бо́же наш, разу́мом превы́ше всего́ ви́димаго вознес́ый нас, и тварь всю до́льную под но́зе на́ши покори́вый! Свят еси́ Го́споди Бо́же наш, дре́во жи́зни в пи́щу нам дарова́ый и да́ром безсме́ртия ны обогати́ый! Свят еси́ Го́споди Бо́же наш, преслу́шавших за́поведь прароди́телей на́ших и по грехопаде́нии не оста́вивый, но на упова́нии спасе́ния прямо́ Еде́ма всели́ый! Свят еси́ Го́споди Бо́же наш, изведы́й и нас из чре́ва ма́тере на́шея и благода́тию Ева́нгелия, по рождéнии, освяти́ый! Свят, Свят, Свят еси́ Го́споди Бо́же наш, поми́луй ны, па́дшее со- зда́ние Твоё, и́мене ра́ди Свята́го Твоего́!

Кондак 6

Пропове́дник пра́вды и ревни́тель Свята́го и́мени Твоего́, Илиа́ досточу́дный, воззва́н от А́нгела, ста в горе́ Хори́ве: бысть же дух крёпок, низлага́й горы́, бысть трус ве́лий и огонь паля́щ, но не в сих Тя ви́де, и по огни́ глас хла́да то́нка, и та́мо Госпо́дь; покры́в убо лице́ ми́лотию, с весе́лием и стра́хом зыва́ше: Аллилу́иа!

Икос 6

Возсия́ еси́ в просвеще́ние всему́ ми́ру сия́ние Трисвётлаго́ Боже́ства́ Твоего́, отгна́й еси́ вся идо́льская заблуде́ния, Триипоста́сный Бо́же и Го́споди; весь же род челове́ческий от до́лгия тмы язы́чества в чу́дный свет Ева́нгелия привёл еси́, и́мже озаре́ннии, сла́вим вседержа́вный Про́мысл Твой о нас, зову́ще: Свят, Свят, Свят еси́ Го́споди Бо́же наш, до конца́ растле́нную грехо́м тварь вода́ми пото́пными потреби́ый и в лице́ Но́я обнови́ый весь род челове́чь! Свят еси́ Го́споди Бо́же наш, отлучи́ый отца́ ве́рующих Авраа́ма от смешéния язы́к и в пото́мстве его́ и́стинную Це́рковь основа́ый! Свят еси́ Го́споди Бо́же наш, изведы́й лю́ди Своя́ из Еги́пта, препита́ый их ма́нною в пусты́не и введы́й в зéмлю, кипя́щую ме́дом и млéком! Свят еси́ Го́споди Бо́же наш, воздви́гий Дави́да, испо́лнивый Ду́хом Свои́м проро́ки и те́ми

среди́ Израїля вѣру в обетова́ннаго Искупителя́ сохрани́ый! Свят еси́ Го́споди Бо́же наш, плѣном Вавило́нским согрѣшшыя люди́ Своя́ наказа́ый и, по сконча́нии его́, па́ки Иерусали́му возградити́ся повеле́ый! Свят еси́ Го́споди Бо́же наш, Маккаве́и в вѣре и преда́ниих оте́ческих непоколебимы́ми до сме́рти показа́ый, и Це́рковь подзаконную, я́ко невесту́, до прише́ствия возлюбленнаго Жениха́, це́лу соблюды́! Свят, Свят, Свят еси́ Го́споди Бо́же наш, поми́луй ны, па́дшее созда́ние Твое́, имене́ ради́ Свята́го Твоего́!

Кондак 7

Хотя́ прояви́ти вели́чие любве́ и милосе́рдия Твоего́ к па́дшему ро́ду челове́ческому, егда́ прииде́ кончи́на лѣта, посла́л еси́ Единоро́днаго Сы́на Твоего́, ражда́ема от Жены́, быва́ема под зако́ном, да подзаконны́я искупи́, И́же, пожив́ на земли́ я́ко человек и искупив́ ны Кресто́м Свои́м, вознесе́ся на не́бо, отню́дуже, исполняя́й обетова́ние, низпосла́ нам Пресвята́го Ду́ха Своего́, да зове́м вси: Аллилу́я!

Икос 7

Дивное́ воистинну и но́вое показа́л еси́ чу́до, дивный в высо́ких, Го́споди, егда́ по низпосла́нии Пресвята́го Ду́ха на избра́нныя ученики́ и апо́столы, извѣл еси́ их на про́поведь всему́ ми́ру, да возвестя́т вели́кое и́мя Пресвяты́я Трои́цы и пленя́т вся язы́ки в послуша́ние вѣры: тем же, чудя́щися си́ле и де́йствию богодухнове́нных словѣс их, с ра́достью зове́м: Свят, Свят, Свят еси́ Го́споди Бо́же наш, избра́ый немощна́я, худородна́я и бу́я ми́ра, да посрамя́т крѣпкия, сла́вныя и премудры́я! Свят еси́ Го́споди Бо́же наш, воодушеви́ый безчи́сленныя со́нмы мучеников, да тма́ми муче́ний и сме́ртѣй запечатле́ют и́стину Евангели́я и си́лу благода́ти Христо́вой! Свят еси́ Го́споди Бо́же наш, се́рдце равноапо́стольнаго Константи́на зна́мением Креста́ преклони́ый, и тем ко́нec лю́тым гоне́нием на христиа́н положи́ый! Свят еси́ Го́споди Бо́же наш, седмию́ Вселѣ́нскими Собо́ры богоно́сных оте́ц, я́ко седмию́ столпы́, Це́рковь огради́вши и ерети́ческим трево́лне́нием непристу́пну сотвори́ый! Свят еси́ Го́споди Бо́же наш, богомудрым учи́телем и вели́ким подви́жником благоче́стия, я́ко пресвѣ́тлым звезда́м на тве́рди Це́ркви, возсия́ти дарова́ый! Свят еси́ Го́споди

Боже наш, и владыку земли Российския Владимира к свету истинныя веры настаивый, и тем всю страну нашу от прелести многобожия свободивый! Свят, Свят, Свят еси Господи Боже наш, помилуй ны, падшее создание Твое, имене ради Святаго Твоего!

Кондак 8

Странно и чудно у дуба Мамврийска узрев Тя Авраам во образе трех мужей, аки к единому беседоваше, глаголя: Господи, аще обретох благодасть пред Тобою, не мини раба Твоего! Трием убо, в Трех явльшихся ему Лицех, Отцу, и Сыну, и Святому Духу, Единому же в существе Богу, до земли поклонися, зовый: Аллилуиа!

Икос 8

Весь еси везде и всегда, не точию могуществом неизчетныя силы Твоея, но и богатством вседетельнаго промысления Твоего о всяцем создании Твоем: нам же, якоже рече Сын Твой, и власи главнии вси изочтени суть у Тебе, да ни еди из них падет без воли Твоея: темже, уповающе на Промысл Твой, со дерзновением и любовию зовем: Свят, Свят, Свят еси Господи Боже наш, благоволивый всему роду человеческому разделитися на племена и языки, и коемуждо их место и время жительства указавый! Свят еси Господи Боже наш, Имже царие царствуют и сильнии пишут правду, соблюдая избранных Своих, яко зеницу ока! Свят еси Господи Боже наш, от Негоже исходит всяка премудрость и разум, всяка крепость и сила, всяко здравие и лепота! Свят еси Господи Боже наш, наводяй и отъемля брани, венчаяй победою правое оружие, неправое же, посреде самых побед, предопределяяй к сокрушению! Свят еси Господи Боже наш, даяй знамения на небеси и на земли, посылаяй огонь, язву и глад на люди, да не до конца заблудят от путей Твоих! Свят еси Господи Боже наш, возносяй смиренныя от земли, еже посадити со князи людей Своих, и низлагаяй гордыя, яко не обрестися месту их! Свят, Свят, Свят еси Господи Боже наш, помилуй ны, падшее создание Твое, имене ради Святаго Твоего!

Кондак 9

Всякое естество, горе и низу, непрестанно славит Тя, предвечнаго Творца и Бога: на небеси едины, Свят, Свят, Свят,

день и ночь взываѹт, дружин же венцы́ своя́к подножію ног Твои́х полагаѹт: на земли́ же со всею тварію мы, яко украшеннии образом присносу́щныя Твоя́ славы, к Тебѣ мо́лимся и от Тебѣ великія и бога́тыя ми́лости чаѣм, зову́ще: Аллилу́я!

Икос 9

Ветия́ многовеща́нныя, аще и мно́го труждаѹтся мы́слию во испытаніи, о Тайнстве Пресвяты́я Трои́цы, но не мо́гут разумѣти, како естество́м Единъ есть Бог, в Три́ех же соверше́нных Ли́цах: мы же ве́руем то́чию сему́ и исповѣдуем, како́же, не испытуѣм, и неизче́тная благода́енія к нам коего́ждо из Три́ех Божѣственных Лиц добре ве́дуще, с ве́рою и благодарѣнием зове́м: Свят, Свят, Свят еси́ Го́споди Бо́же наш, пра́ведным судом Твои́м всем нам в зе́млю, от нея́же взяты есмы, возврати́тися, и па́ки в день воскресѣния из нея́ воста́ти положи́вый! Свят еси́ Го́споди Бо́же наш, со́лнцу, лу́нѣ и звездам не́когда поме́ркнути. землѣ и всему́, е́же на ней, огне́м преобрази́ся предопредели́вый, да вме́сто их яви́ся не́бо но́во и земля́ но́ва, в ни́хже пра́вда живѣт! Свят еси́ Го́споди Бо́же наш, уста́вивый день, во́ньже предста́нут на суд вся племена́ и язы́цы, да восприимет кийждо по де́лом свои́м! Свят еси́ Го́споди Бо́же наш, имѣя́й в день воздая́нія реши́ пра́ведным: прииди́те благослове́ннии Отца́ Моего́, и насле́дуйте Ца́рствие, уготова́нное вам от сло́жения ми́ра! Свят еси́ Го́споди Бо́же наш, от Него́ же нераска́яннии грѣшницы услы́шат тогда́ со стра́хом: отъиди́те от Мене́ прокля́тии во огонь ве́чный, уготова́нный диа́волу и а́ггелом его́! Свят еси́ Го́споди Бо́же наш, обеща́вый Цѣрковь Свою́ до конца́ ми́ра непоколебиму́ соблюсти́, во е́же неодоле́нней быти ей и от врат а́довых! Свят, Свят, Свят еси́ Го́споди Бо́же наш, поми́луй ны, па́дшее созда́ние Твое́, имѣне ра́ди Свята́го Твоего́!

Кондак 10

Спасти́ хотя́ мир, явила́ся еси́ на Иорда́нстей ре́цѣ, Пресвята́я и Пребоже́ственная Трои́це: Оте́ц во гла́се с не́ба, свидѣтельствуя́ о возлюбленном Сы́не, Сын во образе челове́честем, приѣмля́й Крещѣние от раба́, Дух Святы́й, сходя́й на Креща́емаго в ви́де голуби́не: те́мже во и́мя Еди́наго Бо́га, в Три́ех же Ли́цах, Отца́, Сы́на

и Святаго Духа, научихомся просвещати Крещением всякаго грядущаго в мир человека, зовуще: Аллилуйа!

Икос 10

Царю Превечный, сияй солнце Своё на благия и злыя, праведныя любяй, грешныя же милуяй, скверну душевную и телесную нашу омой, обитель Свою в нас, аще и недостойных рабех Твоих, сотворити благоволи, потреби нечистая наша помышления, изгладити неподобная деяния, направи язык глаголати благоугодная пред Тобою, да чистым сердцем и устны со умилением зовём: Свят, Свят, Свят еси Господи Боже наш, о Немже апостольский лик яже глаголет, к Нему же пророческий собор выну взирает! Свят еси Господи Боже наш, Его же полк мученический боголепно исповедует, и преподобных воинство Пресвятое имя славословит! Свят еси Господи Боже наш, о Нем же пустынников множество присно въздыхаёт, от Него же постников подвиги венчаются! Свят еси Господи Боже наш, Ему же святители и пастыри благодарственное приносят пение, Им же вселенстии учителя во спасение наше богомудрствуют! Свят еси Господи Боже наш, прими мольбу о нас и предстательство всех святых, паче же простирающую к Тебе о нас руку Свою, Деву Пречистую! Свят еси Господи Боже наш, огради нас святыми Твоими Ангелы, и отжени от нас духов злобы поднебесных! Свят, Свят, Свят еси Господи Боже наш, помилуй ны, падшее создание Твоё, имене ради Святаго Твоего!

Кондак 11

Пение всякое изнемогаёт, тщасееся принести должное благодарение Тебе о всех и за вся, в Троице славному Богу: не обретаётся бо ни разума, могуща сраспрострétися мыслию ко множеству щедрот Твоих на нас, ни слова, во еже достойне изрещи я: обаче за вся, нами видимая и нам подаемая, буди Тебе, Пресвятая Троице, благодарение от нас, честь и слава, яковы же Ты Сама Твоего величества достойны и Тебе угодны веси: мы же, покланяющиеся Тебе, со смирением и любовию зовём: Аллилуйа!

Икос 11

Яко светоподательна Ты во обетованиях Твоих светильника, сущым

нам во тме невѣдения о будущем жрѣбии нашем явльшася, благодарне исповѣдующе и понѣ единого из блаженств, Единородным Сыном Твоимъ возвещенных, уллучити желяюще, всеумильно с верою вопиѣм: Свят, Свят, Свят еси Господи Боже наш, уготовавый избранным Своимъ блага, ихже око не виде, ухо не слыша, и яже на сердце человеку не взыдоша! Свят еси Господи Боже наш, Егоже вси чистии сердцем узрят, якоже есть, и познают, якоже от Него сами познани суть! Свят еси Господи Боже наш, в Немже вси алчущии и жаждущии правды обретут, николиже оскудевающее насыщение! Свят еси Господи Боже наш, от Негоже миротворцы, яко подражатели вся умиротворившаго Единороднаго Сына Твоего, возлюбленными сынами нарекутся! Свят еси Господи Боже наш, у Негоже крошцы наследят землю, и нищии духом уллучат некончаемое Царствие! Свят еси Господи Боже наш, обещаый вечное помилование милующим, и безконечное радование плачущим! Свят, Свят, Свят еси Господи Боже наш, помилуй ны, падшее создание Твое, имѣне ради святаго Твоего!

Кондак 12

Благодать Твою всесильную подаждь нам, Пресвятая Троице: прими исповѣдание грехов наших пред величеством славы Твоея; призи на въздыхания наша, низпосли нам духа умилѣния и щедрот, да, очищеннии душею и сердцем, сподобимся неосужденно звати к Тебѣ на земли, якоже зывають Ангели на небеси: Аллилуйа!

Икос 12

Поюще Твое всечеловеколюбное смотрѣние, славим Тя вси, Пребезначальная Троице, веруем во Единого Бога Отца, Бога Сына и Бога Духа Святаго, иного, разве Тебѣ, Господа не ве́мы, к Тебѣ припадаем и Тебѣ молимся, вопиюще: Свят, Свят, Свят еси Господи Боже наш, буди нам во спасѣние, да не убоимся никоегоже зла, и в защищѣние живота нашего, да не утрашимся никоегоже врага! Свят еси Господи Боже наш, грѣшныя кающыяся спасай, спаси убо и нас многогрѣшных! Свят еси Господи Боже наш, умножай всем милость Твою, умножи ю и на нас, и помилуй ны, яко немощни есмы! Свят еси Господи Боже наш, продолжи нам век к покаянию и не осуди нас на посечѣние с смоковницею

бесплодною! Свят еси́ Го́споди Бо́же наш, изба́ви ны искуше́ний, от ми́ра, плоти́ и дьяво́ла находя́щих, и укрепи́ в ве́ре и любви́ к Тебе́! Свят еси́ Го́споди Бо́же наш, сподоби ны ли́цем к лицу́ узре́ти Тя, и вни́ти в све́тлый черто́г Твой на бра́к А́гнчий! Свят, Свят, Свят еси́ Го́споди Бо́же наш, поми́луй ны, па́дшее созда́ние Твое́, и́мене ра́ди Свята́го Твоего́!

Кондак 13

О Пресвята́я, Животворя́щая, Нераздели́мая и Вседéтельная Трои́це, О́тче, Сы́не и Душе́ Святы́й, Еди́не и́стинный Бо́же и Творче́ наш! Ны́нешнее на́ше прие́мши благодарéние, низпосли́ нам благода́ть и си́лу от высоты́ Свята́го Престо́ла Твоего́, да, попра́вше вся плотскы́я по́хоти, во вся́ком благоче́стии и чистоте́ проживем до конца́ дней на́ших, вы́ну восхваля́юще Пресвято́е и́мя Твое́ и зову́ще: Аллилу́я!

Этот кондак читается трижды, затем икос 1 и кондак 1

Моли́тва ко Пресвяте́й Трои́це

Пресвята́я Трои́ца, Единосу́щная Держа́во, все благи́х Вина́, что воздади́м Тебе́ за вся, я́же воздала́ еси́ нам, грéшным и недостойным, прéжде, не́же на свет произы́дохом, за вся, я́же возда́еши коему́ждо нас по вся дни и я́же угото́вала еси́ нам в ве́це гряду́щем? Подобаше́ убо за толи́кия благодея́ния и щедро́ты благодарити́ Тя не словесы́ то́чию, но па́че де́лы, храня́ще и исполня́юще за́поведи Твоя́: мы же, страсте́м на́шим и злым обы́чаем внемше́, в безчи́сленныя от ю́ности низверго́хомся грехи́ и беззакония́. Сего́ ра́ди, я́ко нечи́стым и оскверне́нным, не то́чию пред трисве́тлое Ли́це Твое́ безсты́дно яви́тися, но ниже́ И́мене Твоего́ Пресвята́го изрещи́ довлéяше нам, а́ще бы не Ты Сама́ благоизво́лила, во отра́ду на́шу возвести́ти, я́ко чи́стыя и пра́ведныя любиши, грéшники ка́ющияся ми́луеши и благоутробне́ прие́млеша. При́зри убо, о Пребоже́ственная Трои́це, с высоты́ Святы́я Сла́вы Твоея́ на нас, многогрéшных, и благо́е произво́ление на́ше вме́сто благи́х дел приими́: и пода́ждь нам ду́ха и́стиннаго пока́яния, да возненави́девши вся́кий грех, в чистоте́ и пра́вде, до конца́ дней на́ших проживем, творя́ще пресвяту́ю волю́ Твою́ и сла́вляще чи́стыми по́мысли и благими́ дея́ньми сладчайшее и велико́ле-

по е и́мя Твоё. Ами́нь.